

Дьүөгэлэрим


Дьүөгэлэрим, дьүөгэлэрим,
Эдэр сааһым аргыстара,
Кэпсээн – ипсээн дьээбэлэрим
Күлэр – үөрэр харахтара.

Билинги үйэ эбээлэрэ,
Эдэрчилэр көстүүлэрэ,
Огостунар тупсуулара,
Көстөр дьүһүн маанылара.

Остуол тула олордубут,
Сэһэн – сэһпэн ырааттыбыт,
Уруккуну санаатыбыт,
Хойуккуну ороотубут.

Түспэтиэ сатаатарбыт
Син биир “эдэр саастанныбыт”,
“Былыргыны” ырыттыбыт,
Ааспыт үйэбэ “сырыттыбыт”.
Билингигэ төнүннүбүт
Сиэннэрбитин өгөннүбүт,
Күннээх ыйга тэнгээтибит,
Ымманыйа кэпсэтибит.

Аныгы үйэ албаһынан
Билсэрбит эрэ бассаабынан.
Биирдэ эмэ сиэнтэн “көңүллэтэн”
Манньк көрсүөх түмсүһэн...



Дьүөгэлэр

Сааскыбыт ылаангы күнүгэр
Сайаҕас дьүөгэлэр түмсэммит
Саас баартын мэлдьэһэн кээһэммит,
Сыдьаайа сырдааммыт үөрэбит.

Эгэлгэ кэпсэтии тиһиллэн,
Этитэр курдук дии, иһиттэн.
Эйэбэс сыһыанҥа бигэтэн,
Эйгэбит ис кутун эймэтэн.

Ээ, син биир “кыргыттар” эбиппит,
Эмэн саас чаҕыйан күрэммит.
Эриэккэс эдэрбит эргийбит –
Элэгис умсаахтаан иэдэйбит.


Сырсыбыт сыл – хонук биллэрэр,
Сааспытын сылгылаан киллэрэр,
Сылайар санҥары тириэрэр,
Сынньаныах санааҕа тириэрдэр.

Чэ, хата бэркэ диэн кэпсэтэн,
Чэй иһэн итиини киллэрэн,
Чэгиэнник, этэнҥэ сылдыах диэн
Чэмэйэ чэпчээммит дьиэлиибит.

Махтал, дьүөгэлэр

Биир үтүө күн дьүөгэлэр,
Сонуччулуур бэлэхтэр
Сэрэппэккэ кэллилэр,
Үөрэн – көтөн киирдилэр.

Эргиллибэт эдэрдэр
Эйэлэрин биллэрэ,
Эдэр сааспыт кэмнэрэ
“Күөгэлдьиһэ” түстүлэр.
Кэллэр кэлэн истилэр,



Эбиллэннэр элбээннэр,
Көрсүһэннэр, үөрэннэр
Күлсүү – салсыы күөдүйэр.

Олох суолун устунан
Тэнгэ хаампыт далбардар
Остуол тула мустаннар,
Олордулар чуумпуран.

Баһаам баһар былааннаах
Иистэнньэҥнэр этибит.
Үллэр үлэ хайҕаллаах
Суолун тэлэн кэллибит.

Үөрүүм үрдүүр күлүмүн –
“Уруйданар үрүҥ күн”
Мин кинигэм үөрүүтүн
Уруйдуубут бүгүн күн.

“Иистэнньэҥнэр” хоһооммор
Айыллыбыт ырыаны
Иилии хабаан ыламмыт
Ыллаатыбыт холонон.

Махтал, бастыҥ дьүөгэлэр,
Күлэр – үөрэр мичээрдэр,
Баһа санаа истингин
Тириэртигит ис дьингин.

Өрүү манньк көрсүһүөх,
Сүрэх ньүөйэ долгуйуох.
Көрсө түһэн куустуһуох,
Тэйсэн ыла күлсүһүөх!